

Ненэцие” автономной округ’ Администрация

**2001 похы декабрь’ 29 толыркад
ТАБЕКО**

**НЕНЭЦИЕ” АВТОНОМНОЙ ОКРУГ’ ТЕР”
ТОЛЫРАДО’ ТЯНЁ” НЕНЭЦИЕ” ИРИНАТО’ ИЛЕ”МЯ” НЯМНА**

(НАО’ Администрация’ табековна № 217-т
2009 похы ноябрь’ 23 толыркана несэймдавы)

Тюку табеко Ненэцие” автономной округхана иленя”, толырадо’ тянё” ненэцие” иринато’ иле”мя е”эмня, лэтрамбава сер”, илева’ манзарава сер”, хуркари ям’ сахарамбава сер” е”эмня, Федеральной Вато № 49-фв 2001 похы май’ 7 толыркад «Нэрем’ я” илени” е”эмня» падвы:

1. Ненэцие” автономной округхы тер” толырадо’ тянё” ненэцие” иринато’ иле”мям’ ня”ма тара (1 няд”ма).

2. Ненэцие” автономной округхана сенений илмана илена” мюсерць ям’ мэ”ма нямна хонаркова манэсар”ма е”эмня региональной межведомственной комиссиям’ табедярм’ ня”ма тара (2 няд”ма).

3. Ненэцие” автономной округ’ Администрация’ табековна № 217-п 2009 похы ноябрь’ 23 толыркана ныхысялмы.

Ненэцие” автономной округхы
администрация’ наркта
В.Я. БУТОВ

1 няд”ма
Ненэцие” автономной округхы
администрация’ табекован’
№ 1025 2001 похы декабрь’ 29 толыр”
табекова

Ненэцие” автономной округ’ тер”
толырадо’ тянё” ненэцие” иринато’ иле”мя
нямна табедяр”

(НАО’ Администрация’ табековна № 217-т 2009 похы ноябрь’ 23
толыркана несэймдавы)

I. Џобнзер” таславы” табедяр”

1.1. Ненэй табедяр” тоходанва’ е”эмня, яна” лэтрамбава е”эмня, Ненэцие” автономной округхана иленя” толырадо’ тянё” иринато’ иле”мям’

нерня' пэрма, РФ' Конституция' ир' иле, федеральной' вато «Цэрм' я' илени' е'эмня», нани' вато'омна, хуркари нормативной правовой акт'мана, Ненэцие' автономной округхана ня'амва вато'омна илева е'эмня тасламбада'.

1.2. Иринато' сенений илевам' ханзер' сянзъ мэ'мам' теневава, хамадамбава, лэтбава Ненэцие' автономной округхана Российской Федерацияхана мэ'ма' пир'.

1.3. Ненэй табедяр' тоходанва' ед' пэрма, иринато' иле'мям' ханзер' мэ'мам', нани' хибяри', Ненэцие' автономной округхана иленя тянэ' толырка' ниня' тасламбэй падвы.

1.4. Табедяркана тарана' сер':

- Цэрм' няна иленя' хибяри' (тяха' – тянэ' толырадо' нибтя КМНС) – иринато' яха'на иленя' хибяри', сенений илевам' нерня' пэртя' Российской Федерацияхана 50 ёнаркад тянёрка' харто' илевамдо' мэта' хибяри';

- иринато' сенений илевам' нерня' пэрта', Ненэцие' автономной округхана ям' лэтрамбада' – яндо' варм' таниябта тара;

- я' тер' толырадо' тянэ' ненэцие' иринато' иле'мя ханзер' мэ'мам', сямам' тасламби', сармик' тамна вадёданна', ям' лэтрамба тара;

- сенений илевам' тене тара, толырадо' тянэ' ненэцие' харто' сенений илевамдо' нерняку' пэрма;

- толырадо' тянэ' ненэцие', нани' тэнз цэрм' няна иленя' хибяри' харто' яханандо' илева е'эмня;

- толырадо' тянэ' ненэцие' серо' пэртя' хибяри', община' манзаи пэртя - хибяри' нибтя организация' ханяңы' танеда ватовна пыдо' харвабцодо' минре.

II. Сенений илева ям' надимдембава

2.1. Ненэцие' автономной округхана иленя' хибяри', я' тер' толырадо' тянэ' ненэцие' хари' табекодо' надимбэй.

Толырадо' тянэ' ненэцие' иринато' сенений иле'мя' я' Вато' сер' лэтрамбава, федеральной ян', тодо' яха' толёда', лэтрабда' нани' я' Ненэцие' автономной округхы' хэвхана иленя я' Российской Федерация' субъект', Ненэцие' автономной округхана иленя' тасламбава.

2.2. Серо' таслава е'эмня Ненэцие' автономной округ' администрация' наркта ватовна пилибт' манзарана межведомственной Комиссия надимдембада (нерня – межведомственной комиссия).

Межведомственной Комиссия тарця серо' таслаби: хибяри' хонаркова серо' манэсарца, округхана сенений мюсерць я' ватовна мэ'ма я', я' сянар цэва, я' янгрембава.

2.3. Я' ханзер', хурка цэвам' межведомственной комиссия тасламбида:

- серо' цобнзер' минрева е'эмня;

- толырадо' тянэ' ненэцие' хибяри' сенений илевам' мэ'эмда;

- цэрм' тэнз хибяри' сенений илевам' лэтрамбада';

- сенений илева' объект' лэтрамбава.

2.4. Администрация' наркта ерв межведомственной Комиссия' падвы падар' ед' тарана' я' е'эмня табеком' нэдарамби'.

Нибтё' харва' тарана падарм' паднгу.

2.5. Ненэцие'' невхы илм' пэртя'' хибяри'' тарця'' я'' мипда'' ни'' на'':

- пэдара' я'';

- Федеральной' ватовна лэтрамбада'' я'';

- ицавэй'' я'' федеральной' е''эйңэ толы'';

- палытана'' серм' пэртя'' манзаяхана мэта я'';

- мар'' няюв' таслабэй я''.

2.6. Межведомственной Комиссия тасламбававна сенений илевам' мэта'' ненэцие'' мюсерць я'' хуркари вато''мна лэтрамбада.

2.7. Ненэцие'' автономной округ' администрация округхана иленя'' хибяри'' едэй я'' надимдембава е'эмня падарт падбидо', тикэд администрация' наркта Ненэцие'' автономной округ' Вато' Мэбцувна 38 статьявна пидте''мям' сертаби.

2.8. Округхана иринато' иле''мя'' яха''на сенений илевам' нерняку' пэртя регистрациядо':

- лакамбой надимдевы'' нэсы'', ханяна хибяридо' нись пон' иле'';

- толырадо' тянё ненэця'' невхы я'' цопой яхана нибто' ца'', ханена, ёрма я'', яв' вар я'', вадёданна я'', ты'' хадырма я'' ерв'' тикым' таслангудо'. (НАО' Ватовна № 217-т 2009 похы ноябрь' 23 толыркана несэймдавы)

- яхана невхы похот танеда я'';

- сенений илевам' мэта'' ненэцие'' мюсерць яхана ватом' нись вомдамба нани' манзаи сертабава пир.

Ш. Яха''на толырадо' тянё'' ненэцие'' харто' иринато' иле''мям' ватовна тасламбава

3.1. Ненэцие'' автономной округ' я'' – ервха''нана'' тасламбэй'' – лэтрамбада'' я''.

3.2. Я'', выңгы'' объект'', ханяна ты'' хадырца'', толырадо' тянё'' ненэця'', общинаха''на иленя'' хибяри'' иле'' – Российской Федерация' вато''мна ядамдо' таби''.

(НАО' Ватовна № 217-т 2009 похы ноябрь' 23 толыркана несэймдавы)

Толырадо' тянё'' ненэцие'' илесь пэртя'' (ерводо') Россия' я'' нарка ервха' вадам' нэдарамбнгу'', серо цобнзер'' минревам' тасламбангу''.

3.3. Ям' марпбато', ненэцяңга'', общинаха''на иленяха'' нани ям' мипбато', ямдо' марпбэй тикы е'эмня есям' салдабто' тара.

Сяңок' ям' ё''мы, вомда'' тикым' округхана яңга сертавы государственной' комиссия таслангуда.

3.4. Танеда'' вато''мна сенений илевам' мэта'' ненэцие'' мюсерць яха''на нэда'' нани'' мэта'' я'' пуня мэва е'эмня, ми''ма е'эмня тасламбидо'. Тарця'' сер'' сертабава е'эмня хибяри'' хонрамба тара'', тикы ято' е'эмня есям' мипто' тара.

3.5. Сенений илевам' мэта'' ненэцие'' мюсерць яха''на едэй объект'' сертава е''эмня ям' табва сер''. Российской Федерация' Ватовна, Ненэцие'' автономной округ' вато''омна, ненэй табедяр''мана, ям' мэва таслир''мана таслабда.

3.6. Российской Федерация', Ненэцие'' автономной округ' вато''омна, лицензионной'' тарабцовна'', ненэй табедяр''мана я' ниня, я' мюня ңамгэри'' сенений илевам' мэта'' ненэцие'' мюсерць ян' таславы.

3.7. Российской Федерация', Ненэцие'' автономной округ' вато''омна я' ниня, я' мюня ңэда'' ңамгэри'' ханяңы толырадо' тянё'' ненэцие'', община'' мюсерць яха''на ңа'' толырадо' тянё ненэця'', община'' манзарана'' тидхалембидо'.

Ҷани'' тэнз хибяри'', маня'' яханана'' ңахат иленя'' ңани'' хибяри''– я' мюня, я' ниня танеда ңавори'' мэб''нандо' серо''ңа, валакада ява'' сававна мэб''нандо'.

Я' мюня, я' ниня ңэда'' ңавори'' хусувэй хибяри, организация'' харто' ватовнандо минресь пир''на. Тикы нерцю'' тарця сер'' минрева е''эмня толырадо' тянё'' ненэцие'' хонрабто' тара.

Ханяна ты'' хадырңа, идиңа, хуркари'' манзая'' тэнз миңа'' Российской Федерация' вато''омна толырадо' тянё ненэцие'' яха''на сервитут'' падбато', таслабто' тара. Тикы Ватом' вомдабабто' ни тара''.

3.7. Толырадо' тянё ненэцие'' сенений иринато' иле''мя хибяри, общинаха''на иленя'', харто' яханато' ерв''.

IV. Я' сенений ңавори'' лэтбава сер''

4.1. Российской Федерация', Ненэцие'' автономной округ' вато''омна ява'', я' сенений ңавори'' лэтрабава сер'' е''эмня государственной власть' органха''на, толырадо' тянё'' ненэцие'' хибярихи''на, общинаха''на тасламбада.

4.2. Яханана'' ңахы похот танеда ңамгэри'' ватовнандо' мэта''.

V. Ненэй табедяр''мана ивьер' пэртя сер''

5.1 Российской Федерация', Ненэцие'' автономной округ' вато''омна тарця падар'' вомдабада'' хибяри'' ивьер' пэртя''.

НЕНЭЦИЕ” АВТОНОМНОЙ ОКРУГХАНА СЕНЕНИЙ ИЛЕВАМ’ МЭТА” НЕНЭЦИЕ” МЮСЕРЦЬ Я’ ЦАДИМДЕВА Е”ЭМНЯ РЕГИОНАЛЬНОЙ МЕЖВЕДОМСТВЕННОЙ ТАБЕДЯР”

1. Табедяр” сер”

Ненэцие” автономной округхана сенений илевам’ мэта” ненэцие” мюсерць я’ цадимдева е”эмня региональной межведомственной табедяр” манзаравам’ тасламби.

Комиссия Российской Федерация’ Конституцияна, Федеральной’ вато”омна, Ненэцие” автономной округ’ вато”омна, цани” нормативной правовой акт”мана, ненэй табедяр”мана манзара.

2. Комиссия манзарава

2.1. Ненэцие” автономной округ’ я”, ханяна толырадо’ тянэ” ненэцие” иринато’ мэ”мы” я”, сенений мядырма – тики” лэтрамбада” я”. Цэрм’ яхана иленя” хибяри” сахарамбнандо’ тара.

2.2. Тарця Комиссия’ Ненэцие” автономной округ’ Администрация консультативно-совещательной орган’.

2.3. Комиссия тарця серо тасламби:

1) государственной власть’, цэсы’ цэвахана манзаям’ минрена орган”, цани” организация” тарана падро манэсар”ма, таслава, тохоламбава сер”;

2) Ненэцие” автономной округ’ Администрация’ ям’ мэ”ма е”эмня таро хамадабва.

3. Комиссия’ манзая”

Комиссия’ манзая” тарця”:

1) хибярихи” хуркари ям’ мэ”ма е”эмня тарана падро ня”амби;

2) государственной власть’, цэсы’ цэвахана манзаям’ минрена орган”, нани” организация” тарана падро манэ”сарца.

3) ненэцие” мюсерць’ яцэ таслава е”эмня табекови Ненецие” автономной округ’ администрация е”эмня хамадамби.

4. Комиссия мян”ма сер”

Комиссия тарця серо мян”ца:

- 1) Ненэцие” автономной округхы администрация е”эмня, государственной властьхат, нэсы’ тер” ервхат, предприятияхат тарана падро хама;
- 2) Комиссияхана манзарана” хибярихи” инзеле;
- 3) Депутат” Собрания’, Ненэцие” автономной округ’ администрация Комиссияхана манзаравнди нэдарамби.

5. Комиссия’ толыр”, Комиссия’ манзара

- 1) Комиссия’ сертавы” падар” табековам’ мэпц мэ”на.
- 2) Ненэцие” автономной округ’ администрация наркта Комиссия толырм’ тасламбида.
- 3) Ненэцие” автономной округ’ исполнительной власть’ хавна тамна федеральной’ органхад, исполнительной’ властьхад турта”, тамна хуркари” тэнз предприятияхат, ма”лэяхат Комиссияхана манзарабто’ мян.

Комиссия’ манзаям’ пэртя” манзаядо’ салдабда ни на”.

4) Комиссия’ нермбэртяңэ Ненэцие” автономной округ’ наркта нуданылы манзая.

5) Комиссия’ нермбэртя:

А) Комиссия’ манзаравам’ тасламби;

Б) ма”лёвам’ пэрңа;

В) наво пэрмам’ тасламби;

Г) тасламбэй серо минре.

Нермбэртя’ нуда” нылы” ервандо’ таңэ манзаравандо’ пир.

6) Комиссия’ паднана:

А) таславы серодо’ падби;

Б) Комиссия’ манзаям’ хамадамби;

В) няхар” яля тяха’ нерня’ Комиссияхана” мэна” сяха’ нэвам’ государственной властьхана мэна”, нэсы’ ервха’, нани’ тарана хибяри” хэтбабта тара;

Г) намгэ е”эмня лаханавам’, ваде”мам’ хамадабта тара;

7) Комиссия Ненэцие” автономной округ’ администрация’ наркта табековна тарця хибяри” хонаркови манэ”сарңа.

8) Комиссияхана’ мэна” хибярихи” няхар” яля нерцюна манэ”сармада падро нэдарамби.

9) Манэсармы серу ня”амва е”эмня Комиссияхана манзарана” сёдо’ мипи”. Цокаюв’ пеля’ сёвна тарана падар” ня”амбада нэңгу. Сёдо’ ноб” пир” нэбто”, Комиссия’ нермбэртя’ сё няд”ма нэңгу.

10) Таславыдо’ тарана падарт падңгудо’, тикахад ерводо’ пидте”мям’ сертаңгу”.

Комиссия’ паднана сертавы падродо’ лэтби. Манэсар”мы падар” копия 3 яляхана округ’ нарктан’ тэврабда”.

11) Комиссия’ падар” хибяхавана нибто’ серос”, яңга протоколан’ падбада.

12) Ненэцие” автономной округ’ Администрация’ комиссия’ манзаям’ тидхалембида.

3 няд”ма
Ненэцие” автономной округхы
администрация’ табекован’
№ 1025 2001 похы декабрь’ 29 толыр”
табекова

**НЕНЭЦИЕ” АВТОНОМНОЙ ОКРУГХАНА СЕНЕНИЙ ИЛЕВАМ’ МЭТА”
НЕНЭЦИЕ” МЮСЕРЦЬ Я’ ҢАДИМДЕВА Е”ЭМНЯ РЕГИОНАЛЬНОЙ
МЕЖВЕДОМСТВЕННОЙ ТАБЕДЯР” ТОЛЫР”**

Ненэцие” автономной округ’ табековна № 217-т 2009 похы ноябрь’ 23
толыркана ныхысялмбэй.